

IN PASCHA.

- Emicat ecce dies¹ toto festivior anno,
 Quae zabuli mortis Herebi mundique subactrix
 35 Prima resurgentem nostrum conspexit Iesum,
 Prima genus hominum proprium revocavit ad ortum.
 Laudibus ergo piis Christo cantemus honorem²,
 Deque suis donis iuste laetemur in ipso.
 Inde dulci claro felicia regna Christo
 40 Poscentes eius placito hilarescite Baccho.

IN ASCENSA DOMINI.

- Scandere quod possit carnis substantia caelum,
 Indicat ista dies omni celeberrima mundo.
 Hac siquidem Iesus hominem super astra levavit
 Virgine conceptum, passum tumuloque sepultum.
 45 Nos caput hoc nostrum tamquam pia membra sequentes
 Iudicis ad reditum mentesque manusque paremus.
 Principis³ interea iussis parendo libenter
 Amineum vobis solito potate liquorem.

IN PENTECOSTEN.

- Quos Babyloniae reos asogia fecerat olim,
 50 Hos Solimis iustos hodie theosebia fecit.
 Illud yperefanes meruit, quae mergitur Orco,
 Hoc humilis ypacon, quae sublimatur Olympo.
 Innumeris tulerat physicam tunc illa loquelam,
 Collegio certo linguas haec contulit omnes.
 55 Nos humiles clari coetus exempla sequentes
 Vitea dona dei sancto sumamus amore.

IN NATALI SANCTI PETRI ET PAULI.

- Claviger aethereus⁴ Simon cognomine Petrus,
 Pauli et a Paulo dictus proconsule Paulus,
 Laetitiam vobis cumulent sine fine beatam.
 60 Peccati maculis lotos vinclisque solutos,
 Ostibus invictos, omni bonitate repletos,
 Tempore iudicii donent conscendere caelos.
 Nunc horum memores⁵ regem regumque canentes⁶
 Principis ex voto curam prebete Licio.

39 'duci . . regmina'? 40 'hilarescite' Hs. 46 'mentes' Hs.,
 'que' W. 49 'Babylone' W., 'asogia] impietas' Hs. 50 'theosebia] dei
 cultus' Hs. 51 'yperefanes] superbia' Hs. 52 'ypacon] obedientia' Hs.
 53 'physicam] naturalem' Hs. 'illa] superbia' Hs. 54 'haec] oboedientia' Hs.

1) Fortunati Carm. VIII, 2, 1 'Emicat ecce dies'. 2) Sedul.
 Hymn. I, 1 'domino cantemus honorem'. 3) Wilhelmus, s. unten v. 88.
 4) Arator Act. ap. I, 899 'Claviger aethereus'. 5) Vgl. v. 31. 6) Aen.
 VII, 698.